

~~Price da 4. 5. 25.~~

~~50 8 8~~

12

18718

DOMINICI CAVALLARII
INSTITUTIONES
JURIS CANONICI.

DOMINICI CAVALLARII

IN REGIA NEAPOLITANA ACADEMIA

PRIMARII PROFESSORIS

INSTITUTIONES

JURIS CANONICI

QUIBUS VETUS ET NOVA ECCLESIAE DISCIPLINA

ENARRATUR.

TOMUS PRIMUS.



SUPERIORUM PERMISSU.

MATRITI EX TYPOGRAPHIA REGIA.

MDCCXCIX.

Se hallará en la Librería de Don Felipe Alverá, Carrera de San Gerónimo, frente á la calle del Baño.

AD CUPIDAM

SACRORUM CANONUM JUVENTUTEM

AUCTOR. (*)

Institutiones canonicæ, quas stilo fusiore & multis quæstionibus insertis in publicum emisi, longiores visæ sunt, quam ut secundum præsentis moris in usum scholarum possent adhiberi. Quapropter consilium inivi contracta methodo elementa ecclesiasticarum regularum tradere, quibus adolescentes juris candidati, qui auditorium meum frèquentant, uterentur. Nec enim videtur probandus mos illè, qui jamdiu obtinet, artium & scientiarum elementa, scripto excipienda, tironibus tradere. Quæ scripto exhibentur, solent esse contractiora, nec multum expolita: coguntur enim professores ad temporis rationem se accommodare: ut mittam, non omnes adolescentes recte scribere, quæ ab ore dictantis excipiunt.

Has autem Institutiones ita adornare visum est, ut veterem & novam Ecclesiæ disciplinam

(*) Præfationem istam præmisit auctor (quem è vivis ceptum dolet litteraria respublica) quartæ editioni, quam anno proxime elapso 1781. adornavit.

AD INSTITUTIONES
JURIS CANONICI
PROLEGOMENA.

CAPUT I.

De natura & origine juris canonici.

§. I. *Ecclesia proprium regimen habet.*

II. *Ejus potestas versatur circa tria.*

III. *Canon quid?*

IV. *Regulæ fidei & politicæ distinctæ.*

V. *Quid jus canonicum?*

VI. *Primi Ecclesiæ canones.*

VII. *Canones Apostolici.*

VIII. *Constitutiones Apostolicæ.*

§. I. **E**cclēsia à Jesu Christo ad hominum spiritualem salutem collecta, certum regimen ad sui conservationem requirit: est enim societas, quæ æternum stare debet: & societates sine regimine quæ consistent? Hinc Christus discessurus ex hoc mundo ad Patrem, in Ecclesia regimen instituit: dedit nempe Apostolis eorumque successoribus ejus administrandæ & regendæ potestatem. *Joan. XX. v. 21. Actoy. XX. v. 28.*

§. II. Hæc autem Ecclesiæ regendæ potestas Apostolis eorumque successoribus demandata, circa tria versatur, *doctrinam, mores, disciplinam.* Doctrina continet dogmata fidei: mores sunt actiones christianorum, quæ ad sanctissimam doctrinam componi debent: & disciplina complectitur ritus liturgicos & exteriorem Ecclesiæ administrandæ formam. In hæc tria non eodem modo se exerit Ecclesiæ potestas: doctrinam enim & morum regulas custodit, & in dubiis explicat: disciplinam vero pro locorum & temporum adjunctis disponit. Sub nomine πολιτικῆ πολιτικῆ Chrysostomus *de Sacerd. lib. IV. cap. 5.* intelligit mores & disciplinam: quod nos brevitatis causa subinde faciemus.